

Rheoliadau drafft a osodwyd gerbron Cynulliad Cenedlaethol Cymru o dan adran 20(4) o Ddeddf Trawsblannu Dynol (Cymru) 2013 i'w cymeradwyo drwy benderfyniad gan Gynulliad Cenedlaethol Cymru.

OFFERYNNAU STATUDOL
CYMRU DRAFFT

2015 Rhif (Cy.)

**MEINWEOEDD DYNOL,
CYMRU**

**Rheoliadau Trawsblannu Dynol
(Deunydd Perthnasol a Eithrir)
(Cymru) 2015**

NODYN ESBONIADOL

(Nid yw'r nodyn hwn yn rhan o'r Rheoliadau)

Mae'r Rheoliadau hyn wedi eu gwneud o dan Ddeddf Trawsblannu Dynol (Cymru) 2013 ("y Ddeddf").

Mae adran 7(4) o'r Ddeddf yn darparu bod rhaid cael cydsyniad datganedig ar gyfer tynnu deunydd perthnasol a eithrir at ddibenion gweithgaredd trawsblannu.

Mae rheoliad 2 yn gwneud darpariaeth ynghylch y diffiniad o ddeunydd perthnasol a eithrir at ddibenion adran 7 o'r Ddeddf.

Ystyriwyd Cod Ymarfer Gweinidogion Cymru ar gynnal Aseidiadau Effaith Rheoleiddiol mewn perthynas â'r Rheoliadau hyn. O ganlyniad, lluniwyd asesiad effaith rheoleiddiol o'r costau a'r manteision sy'n debygol o ddeillio o gydymffurfio â'r Rheoliadau hyn. Gellir cael copi oddi wrth: Yr Adran Iechyd a Gwasanaethau Cymdeithasol, Llywodraeth Cymru, Parc Cathays, Caerdydd CF10 3NQ.

Rheoliadau drafft a osodwyd gerbron Cynulliad Cenedlaethol Cymru o dan adran 20(4) o Ddeddf Trawsblannu Dynol (Cymru) 2013 i'w cymeradwyo drwy benderfyniad gan Gynulliad Cenedlaethol Cymru.

OFFERYNNAU STATUDOL
CYMRU DRAFFT

2015 Rhif (Cy.)

**MEINWEOEDD DYNOL,
CYMRU**

**Rheoliadau Trawsblannu Dynol
(Deunydd Perthnasol a Eithrir)
(Cymru) 2015**

Gwnaed

Yn dod i rym

1 Rhagfyr 2015

Mae Gweinidogion Cymru, drwy arfer eu pwerau yn adrannau 7(2) ac 20(1) a (2) o Ddeddf Trawsblannu Dynol (Cymru) 2013(1) ac ar ôl cynnal unrhyw ymgynghoriad cyhoeddus sy'n briodol yn eu barn hwy yn unol ag adran 20(3) o'r Ddeddf honno, yn gwneud y Rheoliadau a ganlyn.

Yn unol ag adran 20(4) o'r Ddeddf honno, gosodwyd drafft o'r Rheoliadau hyn gerbron Cynulliad Cenedlaethol Cymru ac fe'i cymeradwywyd ganddo drwy benderfyniad.

Enwi, cychwyn, cymhwyso a dehongli

1.—(1) Enw'r Rheoliadau hyn yw Rheoliadau Trawsblannu Dynol (Deunydd Perthnasol a Eithrir) (Cymru) 2015 a deuant i rym am 00:01 ar 1 Rhagfyr 2015.

(2) Mae'r Rheoliadau hyn yn gymwys o ran Cymru.

(3) Yn y Rheoliadau hyn—

ystyr "y Ddeddf" (*the Act*) yw Deddf Trawsblannu Dynol (Cymru) 2013.

Deunydd perthnasol a eithrir

2.—(1) Mae'r rheoliad hwn yn ddarostyngedig i'r eithriadau ym mharagraff (4).

(2) At ddibenion adran 7(2) o'r Ddeddf, pennir y cyfan neu ran o'r meinweoedd cyfansawdd a ganlyn ("meinweoedd cyfansawdd a eithrir") yn ddeunydd perthnasol a eithrir—

- (a) ymennydd;
- (b) madruddyn y cefn;
- (c) wyneb;
- (d) trwyn;
- (e) ceg;
- (f) braich;
- (g) rhan uchaf y fraich;
- (h) elin;
- (i) llaw;
- (j) bys;
- (k) coes;
- (l) morddwyd;
- (m) rhan isaf y goes;
- (n) troed; neu
- (o) bys troed.

(3) At ddibenion adran 7(2) o'r Ddeddf, pennir y cyfan neu ran o unrhyw un neu ragor o'r canlynol yn ddeunydd perthnasol a eithrir—

- (a) ofari;
- (b) croth;
- (c) pidyn;
- (d) caill;
- (e) ffetws;
- (f) brych;
- (g) llinyn bogail; neu
- (h) embryo (y tu mewn i'r corff).

(4) Nid yw'r cyfan neu ran o unrhyw un neu ragor o'r canlynol sy'n rhan o unrhyw feinweoedd cyfansawdd a eithrir yn ddeunydd perthnasol a eithrir—

- (a) llygad;
- (b) meinweoedd nerfol;
- (c) rhydveli;
- (d) asgwrn;
- (e) cyhyr;
- (f) tendon; neu
- (g) croen,

i'r graddau nad ydynt yn cael eu defnyddio ar gyfer trawsblannu unrhyw feinweoedd cyfansawdd a eithrir.

Y Gweinidog Iechyd a Gwasanaethau Cymdeithasol,
un o Weinidogion Cymru
Dyddiad